


মডিউল-১

সালাতের সিজদা ছাড়াও ইসলামী শারিয়াতে তিনটি সিজদা রয়েছে



احكام سجود السهو

১. সিজদায়ে সাহুর আহকাম

সাজদায়ে সাহুর পরিচয় এবং তার হুকুম

পরিভাষায়: সালাতের মধ্যে ভলক্রমে কোনো ওয়াজিব বাদ পড়ে গেলে, কোনো ওয়াজিব কাজ একাধিকবার করলে অথবা ধারাবাহিকতার পরিপন্নি করলে; সালাত বিগ্ধ করার নিমিত্তে শেষ বৈঠকে তাশাহুদ পড়ার পর ডান দিকে সালাম ফিরিয়ে দুটি সেজদা করাকে 'সাজদায়ে সাহু' বলে।

অর্থাৎ সালাতে যেকোনো ভুলের কারণে সিজদা সাহু ওয়াজিব হয়ে যায় না। বরং ভুলে সালাতের কোনো ওয়াজিব ছুটে গেলে কিংবা কোনো ফরয বা ওয়াজিব বিলম্বিত হলে ওয়াজিব হয়। আর যদি ভুলে কোনো ফরয ছুটে যায়, তবে সিজদা সাহু করা যথেষ্ট নয়, বরং পুনরায় সালাত আদায় করতে হবে। আর কোনো সুন্নাত বা মুস্তাহাব ছুটে গেলে সিজদা সাহু করার বিধান নেই।

হুকুম: ফিকুহে হানাফী অনুযায়ী 'সাজদাহে সাহু'র হুকুম হলো ওয়াজিব।

সাজদায়ে সাহু আদায়ের পদ্ধতি

- সাজদায়ে সাহু সালাতের সালাম ফিরানোর পরে ও আগে উভয়ভাবেই করা যাবে। তবে সর্বোত্তম হল শুধু তাশাহুদ পাঠ করত: একদিকে সালাম ফিরিয়ে আদায় করা। এ ব্যাপারে বহু হাদীস বর্ণিত হয়েছে এবং বড় বড় সাহাবী-তাবেয়ীর আমল বা ফতোয়াও এ অনুযায়ীই ছিল।

ক. আবদুল্লাহ (ইবনে মাসউদ) রা. থেকে বর্ণিত,

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ صَلَّى الظُّهْرَ خَمْسًا، فَقِيلَ لَهُ: أَزِيدُ فِي الصَّلَاةِ؟ فَقَالَ: وَمَا ذَاكَ؟ قَالَ: صَلَّيْتُ خَمْسًا، فَسَجَدَ سَجْدَتَيْنِ بَعْدَ مَا سَلَّمَ.

“রাসূলুল্লাহ সাল্লাল্লাহু আলাইহি ওয়াসাল্লাম যোহর পাঁচ রাকাত পড়েন। তাঁকে জিজ্ঞাসা করা হল, সালাত কি বাড়ানো হয়েছে? তিনি বললেন, কী হয়েছে? প্রশ্নকারী বলল, আপনি পাঁচ রাকাত পড়েছেন। অতপর তিনি সালাম ফিরানোর পর দুটি সিজদা করেন।”^১

খ. আবু হুরায়রা রা. থেকে বর্ণিত, নবী সাল্লাল্লাহু আলাইহি ওয়াসাল্লাম বিকালের দুই সালাতের এক সালাত (বর্ণনাকারী মুহাম্মাদ ইবনে সীরীন বলেন, আমার প্রবল ধারণা আসরের সালাত) দুই রাকাত পড়ে সালাম ফিরিয়ে দেন। তারপর মসজিদের সম্মুখে একটি কাষ্ঠ খণ্ডের কাছে গিয়ে এর ওপর হাত রাখেন। মুসল্লীদের মধ্যে আবু বকর ও উমর রা.ও ছিলেন। কিন্তু তারা তাঁর সাথে কথা বলতে ভয় পাচ্ছিলেন। এক ব্যক্তি যাকে নবী সাল্লাল্লাহু আলাইহি ওয়াসাল্লাম যুল ইয়াদাইন বলে ডাকতেন, জিজ্ঞাসা করল, আপনি কি ভুলে গেছেন না সালাত কমিয়ে দেওয়া হয়েছে? তিনি বললেন, আমি ভুলিনি আবার সালাত কমিয়ে দেওয়াও হয়নি! লোকটি বলল, আপনি অবশ্যই ভুলে গেছেন। অতপর তিনি দুই রাকাত পড়ে সালাম ফিরালেন তারপর তাকবীর দিয়ে অনুরূপ বা তার চেয়ে দীর্ঘ সিজদা করলেন। তারপর মাথা তুলে তাকবীর দিলেন। তারপর মাথা নিচু করে তাকবীর দিলেন। তারপর অনুরূপ বা তার চেয়ে দীর্ঘ সিজদা করলেন। তারপর মাথা তুলে তাকবীর দিলেন।^২

গ. আলকামা থেকে বর্ণিত,

أَنَّ عَبْدَ اللَّهِ سَجَدَ سَجْدَتِي السُّهُوِّ بَعْدَ السَّلَامِ، وَذَكَرَ أَنَّ النَّبِيَّ صَلَّى اللَّهُ عَلَيْهِ وَسَلَّمَ فَعَلَهُ.

আবদুল্লাহ (ইবনে মাসউদ) রা. সিজদা সাহ সালামের পরে করেছেন এবং উল্লেখ করেছেন, নবী সাল্লাল্লাহু আলাইহি ওয়াসাল্লাম এরূপ করেছেন।^৩

□ সিজদায়ে সাহ আদায় করার পর পুনরায় তাশাহুদ পাঠ করত; দরুদ পড়ে স্বাভাবিকভাবে সালাত শেষ করবে।

ইমরান ইবনে হুসাইন (রাঃ) থেকে বর্ণিত,

أَنَّ النَّبِيَّ صَلَّى اللَّهُ عَلَيْهِ وَسَلَّمَ صَلَّى بِهِمْ فَسَجَدَ فَسَجَدَ سَجْدَتَيْنِ ثُمَّ تَشَهَّدَ ثُمَّ سَلَّمَ


“নবী (সা.) তাদের সালাত আদায় করালেন। তিনি ভুল করলেন, তারপর দুটি সিজদা করলেন, তারপর তাশাহুদ পাঠ করলেন, তারপর সালাম ফিরালেন।”^৪

^১ সহীহ বুখারী ১২২৬

^২ সহীহ বুখারী ১২২৯

^৩ মুসান্নাফে ইবনে আবী শাইবা, হাদীস ৪৪৭৫ ‘এর সনদ সহীহ’

^৪ তিরমিযি ৩৭৫



সূত্র অনুযায়ী; নিচের প্রশ্নগুলির উত্তর বের করুন

সালাতে বৃদ্ধিকরণ

- যদি কেউ ভুলক্রমে দুইটা রুকু করে ফেলে; তাহলে কি সালাত ভঙ্গ হয়ে যাবে?
- কেউ যদি ভুলক্রমে দুইবার ফাতেহা পড়ে ফেলে; তাহলে সালাত কিভাবে কন্টিনিউ করবে?
- কেউ যদি প্রথম বৈঠকে আতাহিয়্যাতু পড়ার পর; দুরুদ শুরু করে ফেলে; তাহলে সালাত কিভাবে কন্টিনিউ করবে?

হাস করণ

- যদি তাকবীরে তাহরীমা ছাড়াই সালাত শুরু করে; তাহলে কি সিজদায়ে সাহ্ দ্বারা তা পূরণ করা যাবে?
- যদি কোন এক রাকাআতে রুকু ছেড়ে দেয়; তাহলে সালাত কিভাবে কন্টিনিউ করবে?
- যদি কোন এক রাকাআতে; এক সিজদা কম দিয়ে দেয়; তাহলে সালাত কিভাবে কন্টিনিউ করবে?
- ফরয সালাতে প্রথম দুই রাকাআতে; এবং সুন্নাত সালাতে প্রত্যেক রাকাআতে যদি সূরা ফাতেহা না পড়ে; তাহলে কি সাহ্ সিজদা আসবে?
- যদি সালাতের শুরুতে; ছানা- বা সুন্নত কিছু হাস করে; তাহলেও কি সাহ্ সিজদা দিতে হবে?
- হাসকরণ- বিতির সালাতে দুআয়ে কুনুত স্কিপ করে রুকুতে চলে গেলে; আবার কি ফিরে আসবে? এবং সাহ্ সিজদাও কি দিতে হবে?

ধারাবাহিকতা/ সিস্টেমের বিপরীত করা

- রুকুতে বা সিজদাতে গিয়ে- কেরাত পড়লে; কি সাহ্ সিজদা আসবে?
- তাকবীরে তাহরীমার পর ছানার বদলে আতাহিয়্যাতু যদি পড়ে ফেলে তাহলে কি সাহ্ সিজদা আসবে?
- যদি কেউ চুপ করে তিন তাসবীহ পরিমান বসে থাকে; তাহলে কী সাহ্ সিজদা আসবে?
- সিস্টেমের বিপরীত প্রসঙ্গে- সূরা ফাতেহার পর; সুরার স্থলে; তাশাহুদ পড়লে কি সাহ্ সিজদা আসবে?

সন্দেহে পতিত হওয়া-

- যদি কেউ প্রায়শই সালাতে সন্দেহে পতিত হয়; যে তিন রাকাআত এবং চার রাকাআতের মধ্যে তখন তার করণীয় কী?

